




Plata dla Ploania Antermëia Sant'Antone Abat

UNITÉ PASTORALA



Ploan: siur Paul Campej
E-mail: campei.paul@rolmail.net

Calonia: 0474/520012
Siur Paul: 380 7345533

VAL BADIA
www.unitepastorala.org

Ann C

24.03.2019 - 31.03.2019 - Terza domënia de
Carsëma


n. 17

Le debojügn da dé ota

📖 Es 3, 1–8a.13–15 | 1 Cor 10, 1–6.10–12 | Lc 13, 1–9

Dal Vangele do San Lüca:

¹Te chël tēmp n'él gnü n valgügn da Gejù y ti à cuntè de chi galilês che Pilatus â lascè copè tratan l'oferta, tan che so sanch s'â moscedè cun chël di tiers che gnô ofris. ²Al ti à dit: Minëise os, che mâ chi galilês sides stâ picíadus deach'ara ê sozedüda insciö imparà, y düc i atri galilês no? ³Nou, al contrar: i moriarëis avisa insciö, sc'i ne se convertiarëis nia. ⁴O chi dejedot, che é gnüs copà dala roina dla tor de Sciloah – minëise che mâ chi s'ais cíarié ados na colpa y düc i atri abitané de Ierusalem no? ⁵Nou, al contrar: Os düc moriarëis avisa insciö, sc'i ne se convertiarëis nia. ⁶Y al ti à cuntè chësta parabola: N'êl â n lëgn da fighi te süa vigna; y canch'al ê gnü a cíarè do sc'al portâ früc, nen n'âl ciafè degügn. ⁷Dailò àl dit a so vignadù: Sëgn vëgni bele trëi agn alalungia a cíarè do sce chësc lëgn porta früc y i nen ciafì degügn lassura. Màzele ia! Cíodí dëssel pa ti tó inant la forza ala tera? ⁸Le vignadù ti à respognü: Làscele cíamò impé chësc ann; i ô sapè sö la tera incëria y l'incultè. ⁹Forsc pôrtel impò cíamò früc; sce nia, làscele spo mazè ia.



*Mi edli cíara demeztrù söl Signur,
cíodich'al delibrëia mi pîsc fora dl
lac. Cíara sön mè, Signur, y sideste
graziënt cun mè: deach'i sun püre y
su.*

📖 *Letöres dla Cuarta domënia de Carsëma "Laetare":
Ios 5, 9a.10–12 | 2 Cor 5, 17–21 | Lc 15, 1–3.11–32*

Edema liturgica dai 24.03. ai 31.03.2019

2019	Ora	Mëssa
3^a DOMENIA 24.03 DE CARSEMA <i>oferta por l'KVW</i>	9.30 10.00	<i>Staziuns (jogn)</i> Gran Mëssa por la comunité 3^a de sopoltöra + Tarejia Ferdigg fam. Silvester Promberger fam. Bernhard Ellecosta
LÖNESC 25.03 <i>Anunziasiun dl Signur</i>	7.35	s. Mëssa + Pire Unterweger, Cajer
MERTESC 26.03	17.00	<i>Staziuns por les families</i>
MERCUI 27.03	7.25	s. Mëssa di scolari aniversar + Amalia Deiaco ++ Iule y Zenz Sottrovisch
JÖBIA 28.03	17.00	<i>Staziuns</i>
VENDRES 29.03	7.25	s. Mëssa ++ Pire y Maria Irsara, Ciampidel
SABEDA 30.03	18.00	s. Mëssa prefestia + + Dejaco, Maier
<i>Ora legala</i> 4^a DOMENIA 31.03 DE CARSEMA <i>Dé di seminars</i> <i>oferta Kassian-</i> <i>Tschiderer</i>	9.30 10.00	<i>Ora legala</i> <i>Staziuns (jones)</i> Gran Mëssa por la comunité aniversar + Otto Planatscher aniversar + Milio y Carlo Rubatscher + Tio Clara + Heinrich Rubatscher

Vire la Carsëma... 3.domënia

Vangele (Lüca 13, 1-9)
Láscele... i ó sapé sö la tera incëria y l'inculté. Forsc...

Impuls: I ó desmostré paziënza, impëgn y crëta por daidé arjigné ca n bun terac incër nos ia ...





Informaziuns y terminns

Eis ciafè na sintesa di cunc fora dla aministraziun dla ploania. Ciafareise ince la lëtra cun l'invit a paié indo l'**contribut de 30,00 €** por chësc ann. Düc é perià dl fá y contribuí insciö a despaié les spëises che la dlijia arà. Der bel dilan! N gran dilan ince a **Gottfried Zingerle**, che condüj bele da der tröc agn la aministraziun cun lezitënza y competënza. N gran dilan!

Siur Paul

La Joneza Diozejana à por ativité dla Carsema menè ales ploanies **na ciandera cun l'iscrita „I brenn für di!“** Ara dess gni impiada tres danü tl temp de Carsema, por che söa löm y so cialt arjunjes i cörs dla jent. Ara vardarà da döttes les Messes dla Carsema cun la intenziun che val jonn se lasces ince entusiaschè por la vocaziun da prou.

Gran batadu por düc i seniores dl Comun da San Martin de Tor en domënia ai 31 de merz dales 14.00 tl salf di stödafüch da San Martin de Tor. 1° pest n porcel da rost, 2° pest n „Schlegl“ de cioce y inant de bi pescé. Vignun paia 20,00 Euro y dedò ciafun na bona panicia cun cern. Anunziesse anter i 29 de merz pro Alfred Ploner da Ju al 333 365 4786 y pro Maria Clara al 338 175 1839.

Orar nü da aurí 2019 dla Portina por l'assistënza y la cura te Raiun Sozio-Sanitar Val Badia -

L'ofize dla Portina por l'assistënza y cura, tl'alzada a tera é davert da aurí 2019 inant trëi iadi all'edema: le lönesc dales 14.00 ales 16.00, le mercui y la jöbia dales 10.00 – 12.00 tel. 0474/586123 tratan chisc orars. Le team **informëia** sön düc i sorvisc, sön les poscibilités de sostëgn y alisiramënt, sön i aiüc esistënc, i dërc y dovëis, sön le sostëgn finanziair y i.i. y **dëida** fá de vigni sort de domandes y atres pratices burocratices.

La portina da tó jö sanch ne cambia nia orar y é daverta le lönesc, mercui y vëndres dales 7.45 – 8.30. La Repartiziun Prestaziuns ex Krankenkasse é daverta le lönesc, mercui y vëndres dales 9.30 – 12.45, le mertesc y la jöbia dales 8.00 ales 12.45.

Peregrinaje dla Katholische Frauenbewegung da Tluses sö Jeunn en sabeda ai 30 de merz che pëia sö dales 14.30. Denant dales 14.30 proa da cianté tla dlijia da Tluses. Al passa n bus sön la staziun dles corieres a Bornech dales 13.00. Por jí impara prenotesse pro Margareth 0474 913 140 /348 81 07 183.

Presentaziun dl liber "Pice Nicio" por mituns da 0 a 6 agn de Barbara Rottonara y Silvia Liotto en dedolönesc ai 26 de merz, dales 16.00, a San Martin, tla Ciasa di Pici. Al vëgn pastelné n conicio y implü sarál na sorpresa.

I Consëis de Cöra da San Martin y Lungiarü inviëia al referat cun siur Josef Knapp, en mercui, ai 27/03, dales 20.00, tl salf di stödafüch a San Martin. “Wofür es sich lohnt. Wer seiner Berufung folgt, hat mehr vom Leben.” Düc é bel inviá!



Maria é
arjignada
da ti crëie
ala parora,
da tó sö vita,
da crësce
impara,
da orëi bun
de cör,
da sté ite cun
süa vita,
y da
scinché vita
por la salvëza
de düc.

Christliche Hoffnung ist es, an die Zukunft des Baumes zu glauben, auch wenn nur noch ein Blatt blüht.

Mësses a Rina:	Dom 8.30 Dedol 19.30 Jöb 7.25 Sab 19.15 Dom 8.30
Mësses a San Martin:	Dom 9.30 Lön 7.30 Dedol 19.30 Jöb 7.30 Sab 18.30 Dom 9.30

	25.03 - 30.03.2019	Annika - Maximilian
	26.03.2019	Alexia Moritz Hanna
	28.03.2019	Kathrin Kristel Maximilian
	31.03.2019	<u>Emily - Alissa - Maria</u> - Nicol
	30.03.2019	Petra Clara
	31.03.2019	Iaco Ellecosta
	<p>Les mius aodanzes por le compliagn ti fajunse a Feichter Maria Anna (75). Döt le bun.</p>	

Impressum:
Comunicaziuns:
Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | 0474 520044
www.unitepastorala.org | www.comun.sanmartindetor.bz.it